

<b>Preasráiteas</b> Press Release	<b>Tuilleadh eolais:</b> <a href="mailto:gaeilgeiorrais@gmail.com">gaeilgeiorrais@gmail.com</a>	*Leagan Béarla ar lch. 2 / English summary on pg 2.
24.08.2022	<b>097-29023</b>	

### Club UISCE: Deis Iontach don Óige i nGaeltacht Iorrais

Tá Gaeilge Iorrais ag tacú le club eachtraí uisce lán-Ghaeilge a reáchtáil i gColáiste UISCE d'óige na Gaeltachta seo. Cuirfear an club ar bun arís ar an 3 Méan Fómhar 2022. Beidh dhá Shatharn i gceist i dtosach (.i. ag tosú Dé Sathairn 3 Méan Fómhar 2022 agus ag leanúint ar aghaidh Dé Sathairn 24.09.2022, ag brath ar an aimsir).

Tabharfar deiseanna agus spreagadh d'aos óg an cheantair chun an Ghaeilge a úsáid trí mheán an spóirt agus an spraoi agus i gcomhluadar pháistí eile na Gaeltachta seo. Cuirfear béim faoi leith ar scileanna eachtraí uisce chomh maith le sábháilteacht ar an bhfarraige agus cúrsaí aimsire. Beidh an club lán-Ghaeilge seo ag freastal ar dhá ghrúpa faoi leith ó scoileanna Gaeltachta an limistéir seo (i) scoláirí ó bhunscoileanna Gaeltachta an limistéir (ó 9 – 12 d'aois) agus (ii) déagóirí le Gaeilge (scoláirí iarbhunscoile, ó 13 – 16 d'aois). Cuirfear líon an-teoranta spásanna ar fáil do pháistí eile le suim sa Ghaeilge ó scoileanna eile an limistéir. Seo mar a dúirt Laoise Ní Dhúda (Gaeilge Iorrais) faoin gclub seo;

Tá mar sprioc ag Gaeilge Iorrais borradh a chur faoi úsáid na Gaeilge i measc na ndaoine óga seo agus deiseanna sóisialaithe i nGaeilge a chur ar fáil dóibh. Beidh na himeachtaí seo saor in aisce ach tá spásanna teoranta. Caithfear clárú roimh ré agus cloí leis an bpolasaí Gaeilge a bheidh i bhfeidhm.

Chuir Róisín Nic Grianna (UISCE) leis an méid sin;

Cuireann sé ríméad orainn i gColáiste UISCE obair i gcomhar le Gaeilge Iorrais agus club UISCE a sheoladh i gcroílár Gaeltacht Mhaigh Eo. Tá sé mar aidhm againn suíomh sábháilte taitneamhach a chruthú do dhaoine óga. Tabharfar deis dóibh a gcuid Gaeilge a úsáid ar bhealach taitneamhach idirghníomhach agus iad ag cur lena bhféinmhuinín agus lena scileanna eachtraí uisce. Tá súil againn freisin go dtapóidh cuid acu an deis post ceannaireachta nó teagascóireachta a ghlacadh linn amach anseo. Mol an óige agus tiocfaidh sí.

Más maith leat do scileanna cumarsáide agus féinmhuiníne a fhorbairt trí mheán na Gaeilge, más maith leat cur le do CV agus deiseanna fostaíochta agus má tá fonn ort casadh le daoine óga eile a labhraíonn an Ghaeilge – bí i dteagmháil linn go beo! Líon an fhoirm um léiriú spéise ag <https://forms.gle/vMt1F1eacJWYjK9h7> chomh luath agus is feidir leat.

· Gaeilge Iorrais · f/ch Chomharchumann Ionad Deirbhile · An Eachléim · Co. Mhaigh Eo ·  
Tá Gaeilge Iorrais maoinithe ag Údarás na Gaeltachta ón Roinn Turasóireachta, Cultúir, Ealaíon,  
Gaeltachta, Spóirt agus Meán faoin bpróiseas pleanála teanga sa Ghaeltacht.

1

Gaeilge Iorrais in partnership with Coláiste UISCE is resuming their all-Irish watersports club for young people living in the North Mayo Gaeltacht area. Club UISCE will restart on a pilot basis on Saturday 3rd September 2022 and will continue on Saturday 24th September, depending on weather conditions.

Laoise Ní Dhúda (Gaeilge Iorrais) outlined the overall aim of these activities;

We hope to create opportunities and incentives for local young people to practice and use their Irish in an enjoyable social setting and to increase Irish language use among these young people over time.

Róisín Nic Grianna (UISCE) added the following;

Coláiste UISCE is delighted to be working alongside Gaeilge Iorrais in launching club UISCE in the heart of the Mayo Gaeltacht. We aim to create a safe and fun environment for students. This club is an opportunity for young people to use their Irish in a fun and interactive way while also developing and advancing their water sports confidence and skills. It might even inspire some members to become prefects and instructors giving them the opportunity for work with us in the future. Mol an óige agus tiocfaidh sí.

This all-Irish club will cater for two groups from Gaeltacht scheme schools in Erris (i) primary school Gaeltacht scheme students (aged 9 – 12) (ii) secondary school students undertaking some or all of their education *trí mheán na Gaeilge* (aged 13 – 16).

This club will be free of charge but spaces are limited, based on an Irish language policy and you must register in advance.

If you would like to develop your communication skills *as Gaeilge*, build on your self-confidence, add to your CV and employment opportunities and if you would like to meet other young people that speak Irish, register your interest with us now. You can do so by completing the expression of interest form at <https://forms.gle/vMt1F1eacJWYjK9h7> asap. Places will only be confirmed at a later date, subject to conditions and availability.



· Gaeilge Iorrais · f/ch Chomharchumann Ionad Deirbhile · An Eachléim · Co. Mhaigh Eo ·  
Tá Gaeilge Iorrais maoinithe ag Údarás na Gaeltachta ón Roinn Turasóireachta, Cultúir, Ealaíon,  
Gaeltachta, Spóirt agus Meán faoin bpróiseas pleanála teanga sa Ghaeltacht.

2